

卷十八 七言絕句二百一十八首

連上共七絕二百三首

卷十九 詩餘小令四十七首

中調十首

卷二十 詩餘長調三十五首

共計詩一千一首

詩餘九十二首



梅村集

上

木

梅村集卷第十八

七言絕句二

讀史偶述

射得紅毛兔似拳乳茶搗酒閣門前相公堂饌銀
盤美熊白烹來正割鮮

其二

雪消春水積成渠芻蕘如山道不除怪殺六街騶
唱少只今驄馬避柴車

其三

梅村集十八

七言絕句

新更小篆譯蟲魚乙夜橫經在玉除訝道年來親
政好近前一卷是尚書

其四

直廬西近御書房插架牙籤舊錦囊燕寢不須龍
鳳飾天然臺几曲廻廊

其五

閣門春帖點霜毫玉尺量身賜錦袍聞道尚方裁
製巧路人爭擁看枚臯

其六



龍媒剪拂上華茵嚴助丹青拜詔新莫向天開誇
絕伎白頭韓幹竟何人

新張錦幄間垂楊四角觚稜八寶裝藉地煖茵跌
坐軟茸茸春草是留香

騰黃赭白總追風八匹牽來禁苑中毛骨不殊聲
韻好但看騎上卽神龍

其九

梅村集十八

七言絕句

側坐翻身馬上輕官家絕技羽林驚左枝忽發鳴
驛箭仰視浮雲笑絕纓

其十

柳陰觀射試期門撥去胡床踞樹根徙倚日斜纔
御輦天邊草木亦承恩

其十一

新語初成左右驚一言萬歲盡歡聲多應絳灌交
歡久馬上先行薦陸生

其十二

松林路轉御河行寂寂空垣宿鳥驚七載金縢歸
掌幄百僚車馬會南城

其十三

西洋館宇逼城陰巧曆通玄妙匠心異物每邀天
一笑自鳴鐘應自鳴琴

其十四

迴龍觀裏海棠開禁地無人閉綠苔一自便門馳
道啓穿宮走馬看花來

其十五

梅村集十八

七言絕句
三

宣鑪廠盆內香燒禁府圖書洞府簫故國滿前君
莫問淒涼酒盞鬪成窰

其十六

布棚攤子滿前門舊物官窰無一存王府近來新
發出剔紅香盒豆青盆

其十七

大將祁連起北邙黃腸不慮發丘郎平生賜物都
燔盡千里名駒衣火光

其十八

琉璃舊殿虎房西月斧修成五色泥遍插御花安
鳳吻絳繩扶上廣寒梯

其十九

金魚池上定新巢楊柳青青已放梢幾度平津高
閣上泰壇春望記南郊

其二十

紛紛茗酪鬪如何點就茶經定不磨移得江南來
禁地廻籠小盞潑松蘿

其二十一

梅村集十八

七言絕句
四

夜半齋壇唱步虛玉皇新築絳霄居吹笙盡是黃
門侶別勅西清註道書

其二十二

蘭池落日馬蹄驚魚服揮鞭過柳城十萬羽林空
夜直無人攬轡諫微行

其二十三

七寶琉璃影百層淪漪月色漾寒氷詞臣主客詩
圖進御帖親題萬壽燈

其二十四

玉砌流泉繞碧渠晚涼統扇軟金輿采蓮艤子江
南弄太液池頭看打魚

其二十五

龍文小印大如錢別署齋名自記年画就烟雲填
寶篆欲將金粉護山川

其二十六

渭園千里送簞管嫩籜青青道正長夜半火來知
走馬尚方藥物待新篁

其二十七

梅村集十八

七言絕句

新設椒園內道場雲堂齋供自焚香大官別有伊
蒲饌親割鸞刀奉法王

其二十八

直廬起草擅能文被詔含毫寫右軍賜出黃驄銀
鑿落天街徐踏墨池雲

其二十九

霜落期門喚打圍海青帽煖去如飛鴛鴦信至纔
游幸不比和林避暑歸

其三十一

鶴鶉錦袋出懷中玉粒交爭花毯紅何似平章荒
葛嶺諸姬蟋蟀鬪金籠

其三十一

綠翹聰慧換新糴比翼丹山小鳳皇巧舌能言金
鎖愛賜緋妬殺雪衣娘

其三十二

廣南異物進駝雞錦背雙峰一寸齊只道紫駝來

絕塞雞林原在大荒西

雞高三尺花冠翠羽背有雙峯似駝之肉鞍也

題沙海客画達摩面壁圖

梅村集十八

七言絕句六

松風拂拂水泠泠叅得維摩止觀經從此西來真
實義掃除文字重丹青

題二禽圖

舊巢雖去主人空剪雨捎風自在中却笑雪衣食
玉粒羽毛憔悴閉雕籠

詠柳

贈柳雪生

走馬章臺酒半醒遠山眉黛自青青輸他張緒誇
年少柳宿傍邊占小星

柳星張三宿同度

其二

十五盈盈擅舞腰無言欲語不能描武昌二月新
栽柳破得工夫鬪小喬時有喬姬亦擅名

其三

萬條拂面惹行塵選就輕盈御柳新枉自穆生空
設醴可憐青眼屬誰人穆君初與雲遇爲西眉人所奪

其四

玉笛聲聲喚奈何柳花和淚落誰多灞橋折贈頻
回首惆悵崔郎一曲歌崔郎主人歌童也

送友人出塞

吳絃受松陵人

梅村集十八

七言絕句七

魚海蕭條萬里霜西風一哭斷人腸勸君休望令
支塞木葉山頭是故鄉

其二

此去流人路幾千長虹亭外草連天不知黑水西
風雪可有江南問渡船

雜題

白袷春衣繫隱囊少年吹笛事寧王武昌老者如
相問翻得伊州曲幾行

靈巖山寺放生雞

芥羽狸膏早擅場爭雄身屬鬪雞坊從今喚醒夫
差夢粉蝶低飛過講堂

縛柵開籠敢自專雲中誰許作神仙如來爲放金
雞赦飲啄浮生又幾年

敢效山雞惜羽毛單栖風雨自三號湯泉夜半蓮
花湧佛號鐘聲日未高

其四

梅村集十八

七言絕句

雞足峰頭夜雨青花冠錦臆影亭亭老莊談罷疎
窓冷閒向山僧學聽經

樓船諸將碧油幢一片降旗出九江獨有龜年臥
吹笛暗潮打枕泣蓬窓

其二

有客新經墮淚碑武昌官柳故垂垂扁舟夜半聞
蘆管猶把當年水調吹

其三

西興哀曲夜深聞絕似南朝汪水雲回首岳侯墳
下路亂山何處葬將軍

其四

故國傷心在寢丘蒜山北望淚交流饒它劉毅思
鵝炙不比君今憶蔡州

蘇生固始人卽
楚相寢丘也

讀史有感

彈罷薰絃便薤歌南巡翻似爲湘娥當時早命雲
中駕誰哭蒼梧淚點多

其二

梅村集十八

七言絕句
九

重壁臺前八駿蹄歌殘黃竹日輪西君王縱有長
生術忍向瑤池不並棲

其三

昭陽甲帳影嬋娟慚愧恩深未敢前催道漢皇天
上好從容恐殺李延年

其四

茂陵芳草惜羅裙青鳥殷勤日暮雲從此相如羞
薄倖錦衾長守卓文君

其五

玉靶輕弓月樣開六宮走動射鵬才黃山院裏長
生鹿曾駕昭儀翠輦來

其六
爲掣瓊窓九子鈴君王晨起媿好醒長楊獵罷離
宮閉放去天邊玉海青

其七
上林花落在芳尊不死鉛華只死恩金屋有人空
老大任他無事拭啼痕

其八

梅村集十八

七言絕句

銅雀空施六尺床玉魚銀海自茫茫不如先拂西
陵枕扶下君王到便房

其九
爲楊仲延題画册
歷陽山下訪潛夫指點雲峰入画图爲讀劉郎廳
壁記過江烟雨作姑蘇

偶得

莫爲高貲畏告緡百金中產未全貧只因程鄭吹
求盡却把黔婁作富人

其二

家居柳市匿亡逃，輕俠爲生舊鼓刀。一自赤車收趙李，探丸無復五陵豪。

其三

金城少主欲還家，油犢車輕御苑花。望斷龍堆無雁字，黑河秋雨弄琵琶。

題畫

澤潞千山遠，訟堂江程到日海。城荒王郎妙手驅名勝，廳壁雲生見太行。

其二

梅村集十八

七言絕句

八詠樓頭翠萬重，使君家傍洞門松。不知尺許蒼茫裏，誰是雙溪第一峰。

其三

臺池蕭瑟故園秋，庾嶺朱輪感昔游。文采尚存先業廢，紙窓風雨寫滄洲。

其四

太守囊惟賣畫錢，琴書長在釣魚船。長官近欲知名姓，築屋江村擬種田。

夜游虎丘

次顧西嶽侍御韻

試劔石

石破天驚出匣時中宵氣共斗牛期魚腸葬後應
飛去神物沉埋未足奇

王珣故宅

捨宅風流尚可追王郎別墅幾人知卽今誰令桓
公喜正是山花欲笑時

千人石

碧樹朱欄白足僧相攜劉尹與張憑廣場月出食
跌坐天牛風搖講院燈

梅村集十八

七言絕句
十二

顏書石刻

魯公戈法勝吳鈞決石錐沙莫與儔火照斷碑山
鬼出劔潭月落影悠悠

劔池

百尺靈湫風雨氣星星照出魚腸字轆轤夜半語
空中無人解識興亡意

可中亭

白石叅來共此心一亭矯立碧潭深松間微月窺
入澹似識高賢屐齒臨

悟石軒

築居縹緲比良常有客逢僧語石廊仙佛共叅唯
此石白蓮花發定中香

後山月黑不見

西燭燒來入翠微更邀微月映清輝欲窮千里登
臨眼笑約重游興不違

戲題士女圖

一舸

霸越亡吳計已行論功何物賞傾城西施亦有弓

梅村集十八

七言絕句
十三

藏懼不獨鴟夷變姓名

虞兮

千夫辟易楚重瞳仁謹居然百戰中博得美人心
肯死項王此處是英雄

出塞

玉關秋盡雁連天磧裏明駝路幾千夜半李陵臺
上月可能還似漢宮圓

歸國

董逃歌罷故園空腸斷悲笳付朔風贖得蛾眉知

舊事好修佳傳報曹公

當爐

四壁蕭條酒數升
錦江新釀玉壺冰
莫教詞賦逢人買
愁把黃金聘茂陵

墮樓

金谷粧成愛細腰
避風臺上五銖嬌
身輕好向君前死
一樹穠花到地消

奔拂

歌舞侯門一見難
侍兒何得脫長安
樂昌破鏡翻

梅村集十八

七言絕句
十四

新唱換取楊公作舊官

盜綃

令公高戟妓堂開
黃耳金鈴護綠苔
博浪功成倉海使
綠何輕爲美人來

取盒

銅雀高懸漳水流
月明飛去女諮謀
何因不取田郎首
報與官家下魏州

夢鞋

玉釵敲斷紫鸞雛
消息聲華滿帝都
都能致黃衫偏

薄倖死生那得放任夫

其驪宮

天上人間恨豈消雙星魂斷碧雲翹成都亦有支
機石烏鵲難填萬里橋

蒲東

背解羅襦避月明午涼天氣爲多情紅娘欲去喚
鐘動扶起玉人釵半橫

題寒香勁節圖壽袁重其節母八十

東籬漉酒泛芳樽處士傳家湛母恩傲盡霜花長

梅村集十八

七言絕句
十五

不落籜龍風雨夜生孫

烏棲曲

沉香爲笮錦爲牽白玉池塘翡翠船芙蓉翻水鴛
鴦浴盧郎今夜船中宿

讀陳其年邗江白下新詞

漫寫新詞付管絃臨春奏妓已何年笑它狎客無
才思破費君王十萬箋

其二

鈿轂珠簾燕子忙宮人斜畔酒徒狂阿麼枉奏平

陳曲水調風流屬窈娘

其三

落日青溪載酒時
靈和垂柳自絲絲
沈郎莫作齊宮怨
唱殺南朝老妓師

其四

冶習春來興未除
豔情還作過江書
長頭大鼻陳驚坐
白袷諸郎總不如

題思翁倣趙承旨筆

余山雲接弁山遙
茗雪扁舟景色饒
羨殺當時兩

梅村集十八

七言絕句
十六

文敏一般殘墨畫金焦

李青城七十有六以自壽詩積閏平分已耄
年之句索和余題一絕贈之

詞家老宿號山農
移得青城八九峰
細數餘分添甲子
黃楊千歲敵喬松

偶成

關河蕭索暮雲酣
流落鄉心太不堪
書劒尚存君且住
世間何物是江南

題冒辟疆名姬董白小像

并引

夫笛步麗人出賣珠之女弟雉臯公子類
其側帽之叅軍名士傾城相逢未嫁人諧嫵
婉時遇漂搖則有白下權家蕪城亂帥阮
佃夫刑章置獄高無賴爭地稱兵奔逆流
其離纏綿疾苦支持藥裹慰勞羈愁苟君家
免乎勿復相顧寧吾身死耳邊恤其勞已
矣夙心終焉薄命名留琬琰跡寄丹青鳴
呼鍼神繡罷寫春蚓於烏絲茶癖香來滴
秋花之紅露在軼事之流傳若此奈餘哀
之惻愴如何鏡掩鸞空絃摧雁冷因君長
恨發我短歌詒以八章聊當一慨爾

射雉山頭一笑年相思千里草芊芊偷將樂府窺
名姓親擊雲璈第幾仙

其二

珍珠無價玉無瑕小字貪看問妾家尋到白隄呼
出見月明殘雪映梅花

余向贈詩有今年明月長洲白之句白隄卽其家也

其三

鈿轂春郊鬪画裙捲簾都道不如君白門移得絲

絲柳黃海歸來步步雲

其四

京江話舊木蘭舟憶得郎來繫紫騮殘酒未醒驚
睡起曲闌無語笑凝眸

其五

青絲濯濯額黃懸巧樣新粧恰自然入手三盤幾
梳掠便攜明鏡出花前

其六

念家山破定風波郎按新詞妾唱歌恨殺南朝阮

梅村集十八

七言絕句
十八

司馬累儂夫婿病愁多

其七

亂梳雲髻下粧樓盡室倉黃過渡頭鉤合金釵渾
拋却高家兵馬在揚州

其八

江城細雨碧桃村寒食東風杜宇魂欲弔薛濤憐
夢斷墓門深更阻侯門

又題董君画扇

過江書索扇頭詩簡得遺香起夢思金鎖溫來衣

疊損空箱須記自開時

其二

湘君泥淚染琅玕骨細輕勻二八年半折秋風還
入袖任它明月自團圓

古意

爭傳婺女嫁天孫纔過銀河拭淚痕但得大家千
萬歲此生那得恨長門

其二

荳蔻梢頭二月紅十三初入萬年宮可憐同望西

梅村集十八

七言絕句
十九

陵哭不在分香賣履中

其三

從獵陳倉怯馬蹄玉鞍扶上却東西一經輦道生
秋草說着長楊路總迷

其四

玉顏憔悴幾經秋薄命無言祇淚流手把定情金
合子九原相見尚低頭

其五

銀海居然妬女津南山仍錮慎夫人君王自有他

生約此去惟應禮玉真

其六

珍珠十斛買琵琶金谷堂深護絳紗掌上珊瑚憐
不得却教移作上陽花

做唐人本事詩

聘就蛾眉未入宮待年長罷主恩空旌旗月落松
檝冷身在昭陵宿衛中

其二

錦袍珠絡翠兜鍪軍府居然王子侯自寫赫蹏金

梅村集十八

七言絕句
二十

字表起居長信閣門頭

其三

藤梧秋盡瘴雲黃銅鼓天邊歸旆長遠愧木蘭身
手健替耶征戰在他鄉

其四

新來夫婿奏兼官下直更衣禮數寬昨日校旗初

下令笑君不敢舉頭看

題錢黍谷画蘭

爲袁重
其祿祝

謝家燕子鬱金堂玉樹東風遶砌長帶得宜男春

鬪草衆中推讓杜蘭香

其二

中詞

北堂萱草戀王孫膝下含飴阿母恩錯認清郎貪
卧雪生兒強比魏蘭根檻玲瓏簾幕隱杉齋精麗
繚緝題王石谷画西

綠樹參差倚碧天波光瀲灩尚湖船烟巒自遶王

維聖不必重參圓裏禪袖袂衣持散女短簫急鼓

采菱其二

采菱其一

初冬景物未蕭條紅葉青山色尚嬌一幅天然圖

梅村集十八

七言絕句
二十一

圓裏維摩僧寺披山橋

其二

採蓮不必重參圓裏禪天邊歸旆長遠愧木蘭舟

繚緝參差倚碧天波光瀲灩尚湖船烟巒自遶王

獸王石谷画

個雲生泉銀吐駿蘭琳更衣禮數究昨日校旗初

其堂萱草戀王孫膝下含飴阿母恩錯認清郎貪

其二 采谷西蘭

為袁重
其神祝

鬪草衆中推讓杜蘭香東風遶砌長帶得宜男香

梅村集卷第十九

詩餘一

小令
中調

望江南

江南好聚石更穿池水檻玲瓏簾幕隱杉齋精麗
繚垣低木榻紙窓西

又

江南好翠翰木蘭舟窄袖袂衣持檝女短簫惡鼓
采菱謳逆槳打潮頭

又

梅村集十九

詩餘

江南好博古舊家風宣廟乳爐三代上元人手卷
四家中厥盒鬪雞鍾

又

江南好蘭蕙伏盆芽茉莉縷藏新茗椀木瓜香透
小窓紗換水膽瓶花

又

江南好五色錦鱗肥反舌巧偷紅嘴慧画眉羞傍
白頭栖翡翠逐金衣

又

江南好蒲博擅縱橫紅鶴八番金葉子玄盧五木
玉楸枰擲采坐人傾

又

江南好茶館客分棚走馬布簾開瓦肆博羊錫鼓
賣山亭傀儡弄參軍

又

江南好皓月石塲歌一曲輕圓同伴少十反麤細
聽人多絃索應雲籀

又

梅村集十九

詩餘

江南好黃爵紫車螯雞臙下鼓澆苦酒魚羹加芼
擣丹椒小吃砌宣窰

又

江南好櫻笋薦春羞梅豆漸黃探鶴頂芡盤初軟
剝雞頭橘柚洞庭秋

又

江南好機杼奪天工孔翠裝花雲錦爛水蠶吐鳳
霧綃空新樣小團龍

又

江南好獅子法王宮白足禪僧爭坐位黑衣宰相
話遭逢拂子塞虛空

又

江南好鬧掃鬪新粧鴉色三盤安鈿翠雲鬟一尺
壓蛾黃花讓牡丹王

又

江南好艷飾綺羅仙百欄細裙金線柳半裝高屐
玉臺蓮故故立風前

又

梅村集十九

詩餘

江南好繡帥出鍼神霧髻湘君波窈窕雲幢大士
月空明刻畫類天成

又

江南好巧技棘爲猴髭漆湘筠香墊几戲金螺鈿
酒承舟斂鏤匠心搜

又

江南好狎客阿儂喬趙鬼揶揄工調笑郭尖儂巧
善詼嘲幡綽小兒曹

又

江南好舊曲話湘蘭薛素彈丸豪士戲王微書卷
道人看一樹柳摧殘

如夢令

鎮日鶯愁燕懶徧地落紅誰管睡起薰沉香小飲
碧螺春盃簾捲簾捲一任柳絲風軟

又

誤信鶉聲枝上幾度樓頭西望薄倖不歸來愁殺
石城風浪無恙無恙牢記別時模樣

又

梅村集十九

詩餘四

小閣焚香閉坐搃搃紙窓風破女伴有誰來管領
春愁一箇無那無那斜壓翠衾還臥

又

烟鎖画橋人病燕子玉關歸信報道負情儂屈指
還家春盡休聽休聽又是海棠開近

生查子

青鎖隔紅墻撒下韓嫣彈花底玉驄嘶立在垂楊
岸纖指弄東風飛出銀箏雁寄語画樓人留得

春光半

又

香爇合歡襦花落雙文枕嬌鳥出房櫳人在梧桐
井 小院賭紅牙輪却蒲桃錦學寫貝多經自屑
泥金粉

又 旅思

一尺過江山萬點長淮樹石上水潺潺流入清谿
去 六月北風寒落葉無朝暮度樾與穿雲林黑
行人顧

點絳脣

焦園

梅村集十九

詩餘五

細骨珊珊指尖拂處嬌絃語着水撩人點點飛來
雨 撲罷流螢帳底輕風舉眠無主誤粘玉體印
得紅絲縷

浣溪沙

斷頰微紅眼半醒背人幕地下階行摘花高處賭
身輕 細撥薰爐香繚繞嫩塗吟紙墨歆傾慣猜
閒事爲聰明

又

一斛明珠孔雀羅湘裙窄地錦文鞵紅兒進酒雪

兒歌 石黛有情新月皎玉簪無力暖雲拖見人
先唱定風波

菩薩蠻

江天漠漠寒雲白長橋客醉閒吹笛沙嘴荻花秋
垂蘿拂釣舟危峰欹半倚仄徑蒼苔屐欲上最
高亭遠山無數橫

減字木蘭花

題四

藤谿竹路鳥道無人雲獨過鹿柵猿栖布襪青鞋
客杖藜江頭尺鯉展罷生綃天欲雨記得曾遊

梅村集十九

詩餘

古木包山五月秋

醜奴兒令

落紅已拂雕闌近入手枝低莫肯高飛費盡東風
着力吹分明燕子啣來到因甚差池墜在污泥
惹動游絲不自知

又

溪橋雨過看新漲高柳鳴蟬荷葉田田指點兒童
放鴨船前村濁酒沽來醉今夜涼天明月初圓
一枕西窓自在眠

又

低頭一霎風光變多大心腸沒處參詳做箇生疎
故試郎何須抵死推儂去後約何妨却費商量
難得今宵是乍涼

清平樂

題雪景

江山一派換出瓊瑤界凍合灘舟因訪戴沽酒南
村誰賣草堂風雪雙扉圓圖此景依稀再補吾
廬佳處露橋一笠僧歸

浪淘沙

題蘭

梅村集十九

詩餘七

枉自苦凝眸腸斷歸舟依然明月舊南樓報道孫
郎消息好楊柳風流花意落銀鈎一寸輕柔生
綃不剪少年愁看取幽蘭啼露眼心上眉頭

又

端午

纏臂綵絲繩妙手心靈真珠嵌就一星星五色疊
成方勝小巧樣丹青刻玉與裁冰眼見何曾葫
蘆如豆虎如蠅旁繫纒絲銀扇子半黍金鈴

又

枇杷

上苑落金丸黃鳥綿蠻曉窓清露濕雕盤恰似戒

珠三百顆琥珀沈檀 纖手摘來看香色堪餐羅
衣將褪玉漿寒怕共脆圓同薦酒學得些酸

柳梢青

紅粉墻高風吹嫩柳露濕天桃扇薄身輕香多夢
弱腸斷吹簫 誰能一見相拋動人處詩成彩毫
帳底星眸窓前皓腕又是明朝

西江月

靈巖
聽法

昔日君王舞榭而今般若經臺千年霸業總成灰
只有白雲無礙 看取庭前柏樹那些石上青苔

梅村集十九

詩餘
八

殘山廢塔講堂開明月松間長在

又 詠別

烏鵲橋頭夜話櫻桃花下春愁廉纖細雨綠楊舟
画閣玉人垂手 紅袖盈盈粉淚青山剪剪明眸
今宵好夢倩誰收一枕別時殘酒

又 詠雪塑
僧伽像

透出光明眼耳忍來冰雪心腸坐時兩手且收藏
捏弄兒童無狀 着體生成冷絮開門自在齋糧
大千世界儘銀裝到得來朝一樣

南柯子

京枕

頰印紅多暈釵橫響易尋美人一覺在花陰怕是
耳珠鈎住鬢雲侵 有分投湘簾無緣伴錦衾眼
多啣溜爲知音受盡兩頭牽繫係人心

又竹夫

玉骨香無汗從教換兩頭受人顛倒被人勾只是
更無腸肚使風流 嬌小通身滑玲瓏滿眼愁有
些情性欠溫柔怕的一時拋擲在深秋

鵲橋仙

梅村集十九

詩餘

園林晚霽池塘新漲明月窺人縹緲萬木陰森穿
影過驚噪起一羣山鳥 纖雲暗度銀河斜轉露
濕桂花香悄少年此夜不須眠把鐵笛橫吹到曉

南鄉子

新浴

皓腕約金環艷質生香浸玉盤曲曲屏山燈近遠
偷看一樹梨花露未乾 扶起骨珊珊裙衩風來
怯是單背立梧桐貪避影更闌月轉迴廊半臂寒

又春衣

玉尺剪裁工鬪色衣衫巧樣縫深淺配來纖手綻

重重蒲紫蒲青雅澹中 斜領叩金蟲透肉生香
寶袂鬆茜袖半垂鴉襪淺從容百折羅裙細細風

又牡丹頭

高聳翠雲寒時世新粧喚牡丹豈是玉樓春宴罷
金盤頭上花枝鬪合歡 着意画烟鬟用盡玄都
墨幾九不信洛陽千萬種爭看魏紫姚黃總一般

臨江仙

逢舊

落拓江湖常載酒十年重見雲英依然綽約掌中
輕燈前纔一笑偷解研羅裙 薄倖蕭郎憔悴甚

梅村集十九

詩餘

此生終負卿卿姑蘇城外月黃昏綠窓人去住紅
粉淚縱橫

又

過嘉定感懷侯研德

苦竹編籬茅覆瓦海田久廢重耕相逢還說廿年
兵寒潮衝戰骨野火起空城 門戶凋殘賓客在
淒涼詩酒侯生西風又起不勝情一篇思舊賦故
國與浮名

醉春風

春思

門外青驄騎山外斜陽樹蕭郎何事苦思歸去去

去燕子無情落花多恨一天憔悴私語牽衣淚
醉眼悵人覩今宵微雨怯春愁住住笑整鬢余
重添香獸別離還未

又

眼底桃花媚羅襪鈎人處四肢紅玉軟無言醉醉
醉小閣迴廊玉壺茶暖水沉香細重整蘭膏膩
偷解羅襦繫知心侍女下簾鈎睡睡皓腕頻移
雲鬟低擁羞眸斜睇

江城子

風鶯

梅村集十九

詩餘

柳花風惡賽清明小兒擎走傾城一紙身軀便欲
上天行千丈游絲收不住纔跌地倏無聲憑誰
牽弄再飛鳴御風輕幾人驚江南二月聽呼鷹趙
瑟秦箏天外響彈不盡海東青

千秋歲

題袁重其侍
母弄孫圖

吳中佳士獨有袁絲耳營筆墨供甘旨但期慈母
笑敢告吾勞矣願只願年年進酒春風裏少婦
晨粧起抱得佳兒侍珠一顆駒千里石麟天上送
蠟鳳階前戲回首道待看兒長還如此

風入松

題和州守楊仲延所寄鷹阿山人戴君画

長松落落蔭南岡
亂山橫砌銀塘
梅花消息經年
夢慢支頤
老屋繩床
斐几風吹散帙
紙窓雨洗疎篁
丹青點染出微茫
妙手過倪黃
寒雲流水閒
憑弔誰能認
當利橫江
翰墨幽人小戴
文章太守歐陽

紅林擒近

春思

龜甲屏還掩
博山香未焦
鸚鵡煖猶睡
曉鶯上花梢
醒來擡身半晌
細雨濕夢無聊
女伴戲問春宵

梅村集十九

詩餘十二

笑頰暈紅潮
黛眉新月偃
羅韉小蓮初
更衣攏髻
背人自折櫻桃
怨玉郎起早日長
倦繡小樓花落
吹洞簫

金人捧露盤

觀演秋陵春

記當年曾供奉
舊霓裳
嘆茂陵遺事
淒涼酒旗戲鼓
買花簪帽
一春狂
綠楊池館逢高會
身在他鄉
喜新詞初填
就無限恨
斷人腸
爲知音仔細思量
偷聲減字
畫堂高燭
弄絲簧
夜深風月催檀板

顧曲周郎

梅村柳初新

閩思

画欄深鎖鴛鴦暖照素影花枝軟綠雲斜驪寶釵
欲墜倦起日高猶嬾噴道是風簾捲半擡身慵開
嬌眼雲閣外青山點點問平疇綠蕪誰慘玉驄嘶
去欲窺還避肩倚侍鬟微掩凝望處雙眉斂似不
禁燕拘鶯管柳花衰翁健飯堪誇把瘦尊茗種
高話桑麻穿池還種那及水自澆瓜霜後橘雨前
尔這風味清佳去年公城人熟爛慢生涯

梅村集十九

詩餘十三

笑好景何如
梅村集十九
小蓮衣更衣
梅村集十九
長倦繡小樓花
落吹洞簫

禁燕休鶯管

露盤亂流珠

去爐竊毀鐵育尚封爨燼對鏡望雙眉
燭不
歌眼花閣外青山點點問平疇綠蕪誰慘玉驄嘶
去欲窺還避肩倚侍鬟微掩凝望處雙眉斂似不
禁燕拘鶯管柳花衰翁健飯堪誇把瘦尊茗種
高話桑麻穿池還種那及水自澆瓜霜後橘雨前
尔這風味清佳去年公城人熟爛慢生涯

頌曲

閩思

梅村集卷第二十

詩餘二 長調

意難忘 山家

村塢雲遮有蒼藤老幹翠竹明沙溪堂連石穩苔
徑逐籬斜文木几小窓紗是好事人家啓北扉移
床待客白樹梅花 衰翁健飯堪誇把瘦尊茗椀
高話桑麻穿池還種柳汲水自澆瓜霜後橘雨前
茶這風味清佳喜去年山田大熟爛熳生涯

滿江紅

題西詩總憲龔芝麓

梅村集二十一 詩餘

楚尾吳頭僅斗大孤城山縣正遇着青絲白馬西
風傳箭歸去秦淮花月好召登省閣江山換更風
波黨籍總尋常思量遍 文史富才名擅交與盛
聲華健正三公開府張燈高宴綠髻功名杯在手
青山景物圖中見待他年揀取碧雲峰歸來羨

又 白門感舊

松栝凌寒掛鍾阜玉龍千尺記那日永嘉南渡蔣
陵蕭瑟翠帝翱翔騎白鳳江山縞素觚稜碧躡麻
鞋血淚灑水天新亭客 雲霧鎖臺城戰風雨送

昭丘柏把梁園宋寢燒殘赤壁破衲重游山寺冷
天邊萬點神鴉黑羨漁翁沽酒一簑歸扁舟笛

又過虎丘申
文定公祠

相國祠堂看古樹蒼崖千尺聽斷澗轆轤聲繁闌
干吹笛士女嬉游燈火亂君臣際會松杉直任年
年惡雨打荒碑兒童識今古恨興亡蹟白社飲
青門客歎三公舊事吾徒蕭瑟歌舞好隨時世改
溪山到處還堪憶儘浮生風月倒金尊千人石

又讀史

梅村集二十一
詩餘

顧盼雄姿數馬稍當今誰比論富貴刀頭取辦只
應如此十載詩書何所用如吾老死溝中耳願君
侯誓志掃秦關如江水烽火靜淮淝壘甲第起
長安裏尚輕他絳灌何知程李揮塵休譚邊塞事
封侯拂袖歸田里待公卿置酒上東門功成矣

又感舊

滿目山川那一帶石城東冶記舊日新亭高會人
人王謝風靜旌旗瓜步壘月明鼓吹秦淮夜算北
軍天塹隔長江飛來也暮雨急寒潮打蒼鼠窠

官門瓦看雞鳴埭下射雕盤馬吏信哀時惟涕淚
登高却向西風灑問開皇將相復何人亡陳者

又

詩酒溪山足笑傲終焉而已回首處亂雲殘葉幾
篇青史昔日兒童俱老大同時賓客今亡矣看道
傍爭羨錦衣郎曾如此 遭際盛聲名起跨燕許
追蘇李苟不知一事吾之深耻年少卽今何所得
孝廉聞一當知幾論功名消得許多才偶然耳

又

贈南中
余澹心

梅村集二十一

詩餘
三

綠草郊原此少俊風流如画儘行樂溪山佳處舞
亭歌榭石子岡頭聞奏伎瓦官閣外看盤馬問後
生領袖復誰人如卿者 雞籠館青溪社西園飲
東堂射捉松枝麈尾做些聲價賭墅好尋王武子
論書不減蕭思話聽清譚疊疊逼人來從天下

又

重陽
感舊

把酒登高望北固崩濤中斷還記得寄奴西伐彭
城高讌飲至凌歊看馬射秋風落木堪傳箭歎黃
花依舊故宮非江山換 獨酌罷微吟倦斜照下

東籬畔念柴桑居士高風誰見佳節又逢重九日
明年此會知誰健論人生富貴本浮雲非吾願

又

賀孫本芝
壽兼得子

老矣君謨曾日啖荔枝三百拂袖去筍輿芒屨彈
琴吹笛九日登高黃菊酒五湖放棹青山宅論君
家住處本桃源仙翁石門第盛芝蘭集五福滿
雙珠出看龍文驥子鳳毛殊特竹馬鳩車階下繞
朱顏綠髻尊前立問今朝誰捧碧霞觴同年客

又

感興

梅村集二十

詩餘
四

老子平生雅自負交游然諾今已矣結茅高隱溪
雲生閣暇日好尋隣父飲歸來一枕松風覺但拖
條藤杖笋鞋輕湖山樂也不赴公卿約也不慕
神仙學任優游散誕斷雲孤鶴健飯休嗟容髯改
此翁意氣還如昨笑風塵勞攘少年場安耕鑿

又

蒜山
懷古

沽酒南徐聽夜雨江聲千尺記當年阿童東下佛
狸深入白面書生成底用蕭郎帚屐偏輕敵突風
流北府好譚兵參軍容人事改寒雲白舊壘廢

神鴉集儘沙沉浪洗斷戈殘戟落日樓船鳴鐵鎖
西風吹盡王侯宅任黃蘆苦竹打荒潮漁樵笛

又壽金豈凡
相國七十

雜社耆英高會處門前雙戟風景好沙堤花柳錦
堂琴瑟北粵南翁須健在東封西禪何時畢羨蒼
生濟了袞衣歸神仙客法醞美雕薪炙燈火焰
笙歌席正朱樓雪滿早梅消息矍鑠青山霜蹬馬
歡娛紅粉春泥展願百年父老進霞觴昇平日

又壽顧吏部
松交五十

梅村集二十
詩餘

拂袖歸來閑管領烟霞除目算得是與人無競高
飛黃鵠眼底羊腸逢九坂天邊鱗浪愁千斛脫身
時還剩辟疆闢浮生足樽酒在殘書讀拳石小
滄洲綠有風亭月榭醉彈絲竹嫩籜兩抽堂下筍
蒼皮霜洗窓前水倩丹青寫出虎頭癡山公屋

滿庭芳
孫太初太白亭落
成分韻得林字

鐵笛橫腰鶴瓢在手烏巾白袷行吟仙蹤恍惚埋
玉舊烟林多少唐陵漢寢王孫夢一樣銷沉殘碑
在高人韻士留得到而今雲深來此地相逢五

隱白石同心喜今朝吾輩酌酒登臨忽聽松風驟
響蘇門嘯髣髴遺音歸來晚峰頭斜景明日約重
尋

六么令

詠桃

一枝穠艷蘸破垂楊色到處倚墻臨水裝點清明
陌障袖盈盈粉面獨倚斜柯立深紅淺白無言忽
笑鬪盡鉛華半無力年年閒步過此柳下人家
識烟臉嫩霧鬟斜腸斷東風客燕子欲來還去滿
地愁狼藉芳姿難得韶光一片囑付東君再三惜

梅村集二十一

詩餘

燭影搖紅

山塘
卽事

踏翠尋芳柳條二月春風半泰娘家在画橋西有
客金錢宴道是留儂可使細沈吟迴眸顧盼繡簾
深處茗椀爐烟一床絃管惜別匆匆明朝約會
新亭館扁舟載酒問嬋娟驀地風吹散此夜相思
豈慣孤枕宿黃蘆斷岸嚴城鐘鼓凍雨殘燈披衣
長嘆

倦尋芳

春雨

欺梅黯澹弄柳迷離一幅烟水醉墨模糊澹插浮

屠天際捲湘簾憑画閣白鷗點點飛還起視吾廬
如掀翻一葉空江深處 記今朝南湖禊飲士女
嬉游此景佳麗細馬輕車不到斷橋西路雙屐衝
泥僧喚渡一瓢沽酒柴門閉料今宵對殘燈客情
憔悴

念奴嬌

東籬殘醉過溪來閒訪黃花消息小院高樓門半
掩細雨欄干吹笛側帽狂呼擲箏緩唱翠袖悵人
立欲前還止此中何處佳客 却是許椽王郎風

梅村集二十一

詩餘七

流年少爛醉金釵側十載揚州春夢斷薄倖青樓
贏得遍插茱萸山公老矣顧影顛毛白凭高惆悵
暮雲千里凝碧

木蘭花慢

過濟南

天清華不注搔首望白雲齊想尚父夷吾雪宮柏
寢衰草長堤松耶柏耶在否祇斜陽七十二城西
石窞功名何處鐵籠籌算都非 儘牛山涕淚沾
衣極目雁行低嘆鮑叔無人魯連未死憔悴南歸
依然洋洋東海看諸生奏玉簡金泥誰問礪礪戰

骨秋風老樹成圍

又話舊

西湖花月地櫻筍熟鰕魚肥記粉袖銀箏青簾画
舫烟柳春堤驚風一朝吹散嘆西興兵火渡人稀
白髮龜年尚在青山賀監重歸恰相逢紫蟹黃
雞猶唱縷金衣奈狂客愁多秋娘老去木落烏桕
無情斷橋流水把年光流盡付斜暉世事浮生急
景道人抱膝忘機

又壽嘉定趙侍
御舊巡滇南

梅村集二十

詩餘

仰頭看皓魄切莫放酒杯空記六詔飛書百蠻馳
傳萬里乘聽天南碧雞金馬把枯基殘局付兒童
雞黍鹿門高隱衣冠鶴髮衰翁嘆干戈滿地飄
蓬落日數歸鴻喜歇浦寒潮練塘新霽投老從容
菊花滿頭須插向東籬狂笑醉顏紅高館青尊紅
燭故園黃葉丹楓

又中秋
詠月

水輪誰碾就千尺起嘯臺東記白傳堤邊庾公樓
上幾度曾逢今宵廣寒高處問嫦娥環珮在何峰

天上銀河珠斗人間玉露金風 聽江樓鶴唳橫
空人影立梧桐有宮錦袍緋綸巾頭白鐵笛仙翁
欲乘月明飛去過巖城下界打霜鐘醉臥三山絕
頂倒看萬箇長松

壽汲古閣主人毛子晉

尚湖高隱處較漆簡定遺經正伏勝加飡楊雄強
飯七略縱橫爭傳殺青奇字更五千餘偈叩南能
夜雨蒲團佛火春風菌閣書聲 臥荒江投老遺
民兵後海田耕喜柳塢堂開月泉詩就貰酒行吟

梅村集二十一

詩餘九

高談九州風雅問開元以後屬何人百歲顛毛斑
白千年翰墨丹青

送孫浣心之真定

水龍吟

無諸臺上春風燕南魏北聲名起金戈鐵馬神州
沉陸幅巾歸里種柳門前藝瓜陂下北窓烟雨遇
天涯故舊貽書到一鞭行李滹沱水 挾瑟高堂

趙女問叢臺幾人珠履青史紛爭干戈譚笑陳餘
張耳漢壘秦軍季龍宮苑銷沈何處向孤城但有
寒鴉落水暮天羈旅

風流子

爲鹿城李
三一壽

青山當戶牖秋光霽明月倒壺觴羨金粟道人草
堂松竹青蓮居士藜閣文章傳家久朱門開累葉
画省付諸郎綠酒黃花淵明高臥紅顏白髮樊素
新雉登高頻回首江南舊恨在鐵笛滄浪十載
故園兵火三徑都荒待山園再葺讀書萬卷湖田
晚熟縱博千塲老子婆娑不淺儘意疎狂

又

送張編修
督學河南

中原人物盛征驂過花發洛陽街羨嚴助承明連

梅村集二十

詩餘

城建節茂先機近好士掄才賓徒滿賦成誇授簡
鐘鼓遶繁臺嵩嶽出雲鬱葱干仞濁河天際屈注
西來憑高披襟處千觴引醅醲意氣佳哉回首
日邊臚唱御筆親裁待尚書尺一趨歸視草門
盈桃李學士高齋領取玉堂佳話黃閣重開

又

掖門
感舊

咸陽三月火新宮起傍鎖舊莓墻見殘甃廢磚何
王遺構荒薺衰草一片斜陽記當日文華開講幄
寶地正焚香左相按班百官陪從執經橫卷奏對

明光 至尊微含笑尚書問大義共退東廂忽命
紫貂重召天語琅琅賜龍團月片甘瓜脆李從容
晏笑拜謝君王十八年來如夢萬事淒涼

沁園春

午朝
遇雨

十里紅牆樹色陰濃銅扉洞開見觚稜日炫金銀
照耀朱霞天半避暑樓臺忽起奇雲琉璃萬頃燕
雀呆愚風動來西山上有龍迎返照急雨驚雷

涼生殿閣佳哉但瀟灑瑤階絕點埃聽御河流水
琤琮雜珮黃滋細柳翠逼宮槐玉管銀毫冰桃雪

梅村集二十一

詩餘
十一

藕枚馬詩成應制才承恩久待歸鞭晚霽步月天
街

又

雲間張青瑁從中
州南還索詞壽母

極目中原慷慨平生濁醪一杯念高堂老母桓釐
志行窮途游子仲蔚蒿萊雅負經綸文章小技三
尺遺孤何壯哉辭家久到燕南趙北赤日黃埃

吾徒造物安排且布韞青鞵歸去來有尊羹鱸膾
能供蔬簋魚村蟹舍可葺茅齋貧賤安親詩書養
志世上機雲少棄才成名後把懷清築起百歲高

臺

又 觀潮

八月奔濤千尺摧嵬砢然欲驚似靈妃顧笑神魚
進舞馮夷擊鼓白馬來迎伍相鳴巨錢王羽箭怒
氣強於十萬兵崢嶸甚訝雪山中斷銀漢西傾
孤舟鐵笛風清待萬里乘槎問客星嘆鯨鯢未剪
戈船滿岸蟾蜍正吐歌管傾城狎浪兒童橫江士
女笑指漁翁一葉輕誰知道是觀潮枚叟論水莊
生

梅村集二十

詩餘

又

丁酉小春海棠與水仙並開王廉州爲予
寫秋林圖初成因取瓶花作供輒賦此詞

有美人兮宛在中央仙乎水哉似藐姑神女凌波
獨步瀟湘極浦洗盡塵埃忽遇東鄰彼妹者子紅
粉臙脂笑靨開須知道是兩家粧束一種人材

東君着意安排蚤羯鼓催成巧樣裁豈陳王賦就
新添女伴太真睡起共倚粧臺玉骨冰肌艷梳濃
裹妙手黃荃未見來霜天晚對膽瓶雙絕點染幽
齋

又 吳興愛山臺觀
飲分韻得關字

妍景銷愁輕衫乘輿扁舟往還遇使君側屣銀床
枕簟羣賢傾蓋玉珮刀鏤下若新醅前溪妙舞落
日樓臺雨後山雕闌外有名花婀娜嬌鳥綿蠻
衰翁天放疎頑况甘載重來詎等閒嘆此方巖虎
青絲白馬孫吳時山寇嚴白虎與呂蒙戰於吳興之石城山當年宋態綠
鬢紅顏唐李涉有贈吳興妓宋態詩所謂解語花枝在眼前也春色依然舊
游何處剩得東風柳一灣吾堪老傍鷗汀雁渚石
戶松關

賀新郎

送杜將軍發武

梅村集二十一詩餘

雙鬢愁來白數威名西州豪杰玉關沙磧家世通
侯黃金印馬稍當年第一磨盾鼻懸毫飛檄雅吹
投壺詩萬首舊當陽虎帳春秋癖思往事頓成昔
天涯寂寞青門客念平生鞭箠萬里布衣之極
滿地江湖漁歌起誰弄扁舟鐵笛正柳色依依南
陌日暮鄉關何處是故人書草沒摩崖石漫回首
淚沾臆

又

病中
有感

萬事催華髮論龔生天年竟天高名難沒吾病難

將醫藥治耿耿胸中熱血待灑向西風殘月割却
心肝今置地問華佗解我腸千結追往恨倍瘦咽
故人慷慨多奇節爲當年沈吟不斷草間偷活
艾炙眉頭瓜噴鼻今日須難訣絕早患苦重來千
疊脫屣妻孥非易事竟一錢不值何須說人世事
幾完缺

梅村集二十

詩餘
十四

雙髻

幾宗地

疊羅風裏翠非是事竟一錢不值何

艾炙眉頭瓜噴鼻今日須難訣絕早患苦

故人慷慨多奇節爲當年沈吟不斷草間偷活

艾炙眉頭瓜噴鼻今日須難訣絕早患苦

故人慷慨多奇節爲當年沈吟不斷草間偷活

